



9. juni 2022

Inatsisartut ingerlatsinermut maleruagassaasa § 37 imm. 1 tunngavigalugu Naalakkersuisunut ukuningga apeqquteqaateqarpunga:

Naalakkersuisunut apeqquteqaatit:

1. **Akinik misissuisoqarnissaa Inatsisartut UPA2019/194 suliarineqarnerani aalajangersimasaat Naalakkersuisut suliariniarnerluniku?**
 - a. **Taava misissuisimaneq Naalakkersuisuniit qaqugu saqqummiunniarneqassava?**
 - b. **Piffissaq tassani siunnersuuteqartut 750.000 korduuninik naleqarnissaa missingerpaat. Misissuineq naammassineqassappat Naalakkersuisut qanoq nalilerpaat? (Sulianik aallartisartoqalereersimanissaa naatsorsuutigissallugu aalajangersimavunga)**
2. **Naalakkersuisut sammisamut allanik paasissutissiisinaanerlutik?**

(Inatsisartunut Ilaasortaq Jens-Frederik Nielsen, Demokraatit)

Tunngavilersuut

Inatsisartut ataatsimoortoq UPA 2019-mi siunnersuut ima ittoq akueraat:

Nunatsinni nioqqutissat akiisa OECD-imi inuussutissat ulluinnarni atorneqakkajuttut nalinginnaasumik akiisa agguaqatigiissinnerinut naleqqiullugu qaffasippallaarujussuarnerisa sumik tunngaveqarneranik misissueqqullugit naalakkersuisut peqquneqarnissaannik Inatsisartut aalajangiiffigisassaattut siunnersuut. Nioqqutissat nunatsinni ulluinnarni atorneqakkajuttut akiinik appartitsineq qanoq iliorluni siuarsarneqarsinnaanersoq pillugu kaammattuutinik periusissanillu kiisalu unammilleqatigiinnermik sunniutilimmik qulakkeerinninnissaq siunertaralugu nalinginnaasorlu sinnerlugu iluanaaruteqartoqartarneranik pinaveersaartitsiniarluni unammilleqatigiinnermut inatsimmi malittarisassat maanna atuuttut qanoq ullutsinnut tulluartiginerannik nalilersuinnermik misissuineq imaqassaaq. Misissuinerup inerner UKA2020-imi nallertinnagu inatsisartunut saqqummiunneqassapput.

Eqqummaariffigaara Inatsisartunut qinersisoqarsimanera tunngavigalugu misissuinissamut suliasaq Naalakkersuisut pituttorsimaffiginngikkaat.

Misissuinissalli imarisaa soqutiginarippara apeqquutillu ullut qulit suliffiusut iluanni akineqareersimanissaat kisaatigalugu.